



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO - CHIRURGICA,

QUODLIBETARIIS DISPUTATIONIBUS
manè discutienda in Scholis Medicorum die, Jovis 3¹⁰ Martii.
M. DCC. XL.

M. CLAUDIO DUCERF,
Doctore Medico, Præside.

Utrum in Ascite Paracentesim tardare, malum?

I.



TUBULIS constat & humoribus corpus organicum. Ejus harmonia ab utrorumque motu pender. Quæcumque de causâ è vasis contrâ naturam humor exeat, is vitatur, nisi resolutioni cedat. Fluctuat, suppurat, induratur humor, & tumorem facit. Multiplex tumor est. Vel à partibus, vel ab humoribus ortum habet. A duris partibus, ossium luxationes, nodi, exostoses: A mollibus, verarum omnis Herniarum species, ab Omento, Intestino, utroque; & Ventriculo, etiam & Vesicâ. A quatuor humoribus Antiquorum sat bellè indigitantur tumorum natura, genus, indoles. Phlegmone à Sanguine: à Bile Erysipelas: Oedema à Sero: à Melancholico humore Scirrhus. Hisce si jungatur



partium varios humores excipientium varia conditio; innumeri alii constituntur tumores. Signa, quæ ad curationis modum, speciem, tempusque ducunt, desumuntur ex læsionum varietate. Taxi, aut Incisione, curatur Hernia, quæ vera est: aliisque tumoribus tractandis, ratò sufficiunt Diæta & Pharmacia. Plerisque curandis, ferro & igne plurimum præstat Chirurgia, tertia Therapeutices pars. Synthesi separata conjungit; Diæresi conjuncta separat; Exercesis intus superflua extrahit. Tres licet operationes discriminentur, ad perficiendum opus idem, haut infrequenter consociari amant. In reli extractione in corpus immissi; Calculi ex Urethra aut Vesicâ; Aquæ, Sanguinis, Putis, è quâdam cavitate; id probatur ultrò, liquetque in Paracentesi. Hæc, Latinis punctio, Exercescos est species, quæ eo peragitur temporis puncto, quo Diæresis. Continui separatione factâ: Superflui sit ablatis. Sed morbi tempus in quâcumque operatione faciendâ, debet eligi. Vel occasio, vel opportunitas curationis anima est.

I I.

HUMOR quilibet extrâ vasa latitans, durâ mollive parte conclusus, nisi discutiat, arte educendus est. Ab ictu, aut casu violento, concutitur cerebrum: largâ tunc manu mittitur sanguis, vulneraria adhibentur. Hæc omnia sapienter tentantur initio: At imperitè, si sola, & funestè tandem; nisi satis citò detur viâ: Trebratione, quâ sanguis, in pus flecti cretus, ejicitur forâs. In Hydrocephalò, par operandi modus, cerebri substantiam humor modò non penetraret. Empyema, sectione pectoris; Leucophlegmatia, tibiaturum Scarificationibus; Hydrops oculi, Punctione; Ascites Paracentesi curantur: sed omnes ex opportunitate. Pus & aquam educabant veteres Medici. Sine ferro primum, exin cum ferro imponebant Cucurbitulas, fermentisque candentibus partes exulcerabant: At curationem seriùs auspicabantur. Indè ex lentiori humoris educatione, ulcere diurniori, miserè solvebat morbum Sphacelus frequens. Recentiores Medici, Suppuratos & Hydropicos securiori viâ, minori tædio, ac dolore leviori, sublevant: Scalpello, Lanceolâ, instrumento tandem Tricuspide, aut veticulo, cum argenteâ fistulâ ex utroque extremitatis latere perforatâ, absolvunt opus. Qui Vericulo utuntur, rectius agunt. Integumentorum fibras separant, non secant acumine rotundo, citiusque sanatur vulnus. Non amplius forsân perficienda operandi methodus; sed nondum perfectus operationum usus, pleræque feliciore essent, atque Paracentesis, si tempore celebrarentur convenientiori. Medici est, non tantùm ea, quæ ante pedes modò sunt, videre; sed prospicere futura. In Lithotomiâ, absque maturâ præparatione sapientique consilio, necatur æger. Aut miserè avellitur, aut fingitur calculus; & pro salute mors est. In magnis vulneribus, aut cum, aut sine fracturis; & ab initio, & ad animi deliquium extrahitur sanguis. Sic, quæ solitò sunt Symptomata, cessant; quæ subsequi solent, præveniuntur.

I I I.

VISCERIBUS quamplurimis refertum est Abdomen, vitiis indè quamplurimis obnoxium. Hæc inter, varia sunt Hydropum genera. Horum contrâ naturam affectuum causæ, læsæ sanguiferorum, lymphaticorumque structura; Viscerum obstructio. Tunicis vasa constant retium instar contextis. Quo sanguis diutius hæret, eò magis hiat tunicarum textura, diffluitque serum copiosius. Ligata in cane vena jugularis factum probat. Cutem inter capicisq; membranas & musculorum colli interstitia, serum diffunditur. Lymphatica, si abque ruptione, dilatentur ultrâ modum; cystide conclusus aqueus humor magnò crescit volumine, Hydatidasque procreat. Viscerum obstructio impedimenta

parit sanguini. Hinc hydrops, qui ab ictero, lethalis. Disscctis Hydropicorum cadaveribus, in Abdomine tumores varii, frequensque Scirrhus. Vitiato diutius sibrarum tono, Interpositis undique obicibus, patentiores fiunt tunicarum pori, morâ ampliantur viâ procliviores. In Leucophlegmatâ venter intumescit, & corpus univcrsum: In Tympanitide, tumet flatibus: In Ascite, sapius Sero, Chylo rariùs effuso, solus primùm distenditur. Hydrops ille, quo, ut in utro, Aqua continetur, sedem habet eo in spatio, quod Peritonæum inter & Intestina vacuum est. Extremis levibusque digitis uno percussus latere Venter, in altero sensum præbet humoris fluctuantis intus. Aquosus ille tumor, rerarâ convenienti curarione, sensim increfcit. Abdomen præter, & Pudenda, & Femora, & Pedes occupat, totumque corporis habitum afficit. Jàm vehiculo defraudatur purpureus latex, hæret ubique; & .dùm diffuso latè sero immergitur machina, sanguis crassitie mentitur in vasis corallum. Ingruunt febricula, ut plurimùm uens; vehemens sitis; Urina admodùm pauca, crassa, lateritia; Spirandi difficultas, corporis superiori parte marcor; molesta Tussis. Tot lethalia Paracentesi præcaventur tempestivè factâ. Mochlica his in casibus propinare, sanguinem est exprimere quasi torculo. Sic curati, sanguinis iclu repentino sæpè tolluntur. Asciti igitur vetusto nimis, vel recentiori, impar est Punctio. Aut jam desperatus, aut nondùm factus est, morbus. At, ubi primùm est vera certaue seri fluctuatio, constans Ascites declaratur. Hic, adhibitis incausum interioribus remediis, punctum est non procrastinandâ Paracenteseos.

I V.

DE TECTO opportunitatis Memento, quis locus Abdominis perforandus! Peculiaris tumor, ab Hernioso, fluctuatione dispar, Punctionis locum notat. Alba linea si prominet, absque periculo pungitur. Umbilicus ob Exomphalon; Interfectiones tendinosæ, Rectus Abdominis musculus, propter difficiliorem Synthesim; Vasa sanguifera, ob Hæmorrhigiam; ferro attingi nunquàm debent. Tuta celebratur Paracentesis medio in spatio, quod anteriorem ossis Ilii Spinam inter & ultimam costam jacet. Decombente ægro in larus, non sedente; patte prominenti manibus Aquarum collectionis ergò compressâ prius inibi haud timidè perforet Artifex. Perfossis Abdomine & Peritonæo, illæsis semper intestinis, retrahitur Veruculum: argentea Fistula, mundata prius; quâ eliciuntur aquæ, in foramine relinquitur. Intacto Peritonæo, nullus, negatâ viâ, vacuatur humor. Idèò alterâ Punctione factâ paulò infrà primam, Veruculo longiori perforatâ tunc membranâ intus succingente; Aquæ fluentes, usque dùm spontè desinant, educendæ sunt: Unâ vice, veteres Medici licet reformidaverint, Humor emittitur. Quandòque tamen mucosâ quædam colluvies, Intestini Omentive pars, quid Pinguedinis ostia canaliculi præcludit, & sistitur Serum. Obex facilè tollitur: immittitur in Fistulam specillum, & fluunt Aquæ: Sub operationis finem, manibus Abdomen premitur paulò fortius. Itâ exactiùs continentur viscera, exprimiturque serum. Missis aquis, tollitur canaliculus. Vulvausculum splenio aquâ vitæ madido obducitur, & facilè coit. Pendente à scapulis fasciâ firmatur interdùm manile corpori circumcinctum: Hoc itèr, dùm eliciuntur Aquæ, adhibetur tutò. Per gradus itâ compressis, & Diaphragmate, & Abdominis musculis, & Visceribus, præsertim Hepare, Liporhymia præcavetur à Respiratione læsâ. Eductus Humor, quid indè futurum, indicat. Cruentus, Purulentus, Fætidus, Chylosus, humore multiplici permixtus, mali ominis est: Boni verò serosus, lotio similis, non fæstens, non copiosior. Euchymis recrectur æger, iisque utatur, quæ Ascitis fomitem debellant.

ANTIQUORUM nonnulli, membranam Peritonæi inimicam Punctionis, Paracentesi spiritus excludi, Infirmari vires, Aquam-jecinore affecto frustra emitte, pronuntiabant. At, Peritonæum, & in Gastro-raphiâ coalescit: Spiritus & vires non magis infirmantur, quam in Phlebotomiâ: Ascites jecoris unius non vitium est; ex affecto splene, totiusque corporis malo habitu fit. Inanis igitur timoris est talis cautio. Timendum immò, si tardiùs expellatur fluctuans humor, morâ ne noceat diuturniori. Licet non semper sanet extractus, detecto electoque morbi tempore; in Paracentesi tamen una salus. Levat ægrum Aquarum Eductio; locumque facit Medicinæ, quam inclusus intus humor impedit. Asclepiades, Soranus, Themiso, aliique, hâc curatione meritò adversati sunt Erasistrato, Evenori, Thessalo. Testantur sat citò factâ Paracentesi, non paucos evasisse; plurimosque, tardante consilio medentium, mori. Elatere Solidorum in dies magis debilitato, fibrarum fit Atonia. Perverso præpeditove musculorum Abdominis, Diaphragmatis, Pulmonum, motu: Excretiones singulæ, omnique generis feriantur vitianturque secretiones. Peractâ seriùs Paracentesi, prima citò redit morbi facies & aquosus tumor. Ininterrupto diutius serum inter & vasa commercio, nullus tandè datur derivationi locus. Stagnat hebes humor; serum corrumpitur; graviùs læduntur viscera; vires confundunt; ad ruinam fluens totum redditur corpus; contingitque tabes, quæ Medicinam nescit. Vitium in substantia partium emendare, Nûm humanæ virtutis est? Quorum stomachus jam corruptus est; Qui ex attâ bile, aut obstructione, vel scirrho venter in Hepate, Liene, Mesenterio, Pancreate; Qui malum corporis habitum habent, exhausti inediâ; Qui, aut senes, vel à morbo jam vetusto, juniores licet, hûc deciderunt: Paracentesi fortè allevantur, sanantur nunquam. Quibus immò observantur iis contraria, illi sanari possunt, & plerique sanantur. Natura vigens adhuc, Spontè, Diartheâ, Urinæ fluxu, Metastasi, Ictu fortuito, Criticam hanc aquarum egestionem molitur. Sic Medicinæ, Naturæ Imitatio est.

Ergo in Ascite Paracentesim tardare, malum.

DOMINI DOCTORES DISPUTATURI.

M. Carolus Dionis.
M. Gedeon de Rabours.
M. Laurencius Feyer.

M. Joannes Midy.
M. Joannes-Jacobus Bellesteste.
M. Andréas-Josephus Seron.

M. Jacobus Antonius Miller.
M. Michaël Penger.
M. Niclaus le Tellier.

Proponebat Parisiis, EXUPERIUS-IOSEPHUS BERTIN,
Rhodonensis, Baccalaureus Medicus, A. R. S. H.
1740. à sextâ ad meridiem.

Typis QUILLAU, Universitatis & Facultatis Medicinæ Typographi, 1740.